

FORAS NA GAEILGE

SOCRUITHE MAIDIR LE SCEITHIREACTH – FOIREANN MÁRTA 2020

Intreoir

Féadfaidh ábhar buartha bheith ag gach aon duine againn ó am go céile faoina bhfuil ar siúl ag an obair. Mar sin féin, nuair a bhaineann sé le hiompraíocht neamhdhleathach, calaois fhéideartha nó baol don phobal nó don chomhshaol, nó míchleachtas dáiríre eile, is féidir leis bheith deacair fios a bheith agat cad é atá le déanamh.

D'fhéadfá bheith buartha faoina leithéid de bhuairt a lua agus d'fhéadfá a shíleadh gur fearr í a choinneáil agat féin, den tuairim, b'fhéidir, nach mbaineann sé le do ghnó nó nach bhfuil ann ach amhras. D'fhéadfá bheith den tuairim go mbeadh sé mídhílis do chomhghleacaithe, do bhainisteoirí agus d'Fhoras na Gaeilge an t-ábhar a lua. D'fhéadfá a shocrú rud éigin a rá ach a fháil amach gur labhair tú leis an duine contráilte nó gur tharraing tú an cheist anuas an dóigh chontráilte agus nach bhfuil tú cinnte cad é atá le déanamh ina dhiaidh sin.

Is é is aidhm do na socruithe seo a athdheimhniú duit go bhfuil sé sábháilte agus inghlactha labhairt amach. Fáiltíonn Foras na Gaeilge roimh oscailteacht agus macántacht agus tuigtear gur ar mhaithe leis an eagraíocht agus an fhoireann ar aon atá na socruithe seo in áit. Cuireann siad ar do chumas chomh maith do bhuairt a tharraingt anuas faoina leithéid de mhíchleachtas go luath agus sa dóigh cheart. Seachas fanacht le cruthú, b'fhearr linn dá dtarraingeofa an cheist anuas nuair is buairt go fóill í.

Má tá rud éigin ag cur as duit agus más dóigh leat gur chóir dúinne bheith ar an eolas faoi nó é a fhiosrú, cuir in iúil dúinn le do thoil. Ach más mian leat gearán a dhéanamh faoi d'fhostaíocht féin nó faoi mar a pléadh leat, úsáid na modhanna oibre cuí maidir le caidreamh tionsclaíoch.

Tá na socruithe seo maidir le sceithireacht curtha i bhfeidhm ag Foras na Gaeilge le go dtarraingeoidh tú aon bhuairt anuas ina bhfuil leas daoine eile nó leas na heagraíochta i mbaol. Tá soiléiriú air seo le fáil ag:

Ó Dheas

<http://www.irishstatutebook.ie/2014/en/act/pub/0014/sec0005.html#part2>

Ó Thuaidh

<http://www.legislation.gov.uk/nisi/1998/1763/article/3/made>

Má bhaineann do bhuairt le calaois fhéideartha, d'fhéadfadh sé gur mhaith leat tagairt dár Ráiteas Polasaí maidir le Calaois agus Plean Freagairte Calaoise, ar féidir iad a fháil ar suíomh ghréasáin Fhoras na Gaeilge ag <http://www.forasnagaeilge.ie/fuinn/eolas-corparaideach/caipeisi-corparaideacha/polasaithe/>.

Má tá tú in amhras, tarraing anuas é!

Ár nDearbhuithe duitse

Do shábháilteacht

Tá Foras na Gaeilge tiomanta dó go mbeidh sceithireacht éifeachtach. Má tharraingíonn tú anuas fíorábhar buartha de réir na socruithe seo, ní bheidh baol ann duit do phost a chailleadh nó ní imreofar aon díoltas ort dá thoradh.

Intinn Mhaith

A fhad is go ndéanann tú é in intinn mhaith, is cuma má tá dul amú ort. Ar ndóigh, ní bhaineann an dearbhú seo le duine a tharraingíonn anuas ábhar go mailíseach agus fios acu nach bhfuil sé fíor nó is mór idir sin agus meancóg a dhéanamh. Mar sin féin, ní bheidh cosaint Acht 2014 ag daoine a dhéanann

nochtadh cosanta sa chás nach bhfuil creidiúint réasúnta acu go bhfuil éagóir déanta, agus is féidir go ndéanfar gníomh smachta in éadan daoine sa chás sin.

Rúndacht

Ní ghlacfaidh Foras na Gaeilge le ciapadh ná íospairt ar aon duine a tharraingíonn anuas fórbhuairt agus leis na dearbhuithe seo tá súil againn go dtarraingeoidh tú buairt go hoscailte. Mar sin féin, aithnímid go bhféadfadh tosca a bheith ann nuair a b'fhearr leart labhairt le duine éigin faoi rún ar dtús. Más amhlaidh seo, abair sin ag an tús. Má iarrann tú orainn gan a nochtadh cé tú féin, ní dhéanfaimid sin gan do chead ach amháin ceangal dlí a bheith orainn. Ba chóir duit a thuiscint go bhféadfadh sé go mbeidh amanna ann nach mbeimid in ann do bhairt a réiteach gan a nochtadh cé tú féin, mar shampla sa chás go bhfuil d'fhaisnéis phearsanta riachtanach. I gcásanna dá leithéid, pléifimid leat cé acu an féidir leanúint ar aghaidh leis an ábhar agus an dóigh is fearr le sin a dhéanamh.

Neamhainmníocht

Le pé saincheist a d'ardófaí a fhiosrú, bheadh sé ina chabhair sa ghnáthshlí dá gcuirfí in iúl cé tá ag nochtadh an eolais, go háirithe chun breis eolais nó soiléirithe a fháil, ach fiosrófar a oiread agus is féidir gach nochtadh 'gan ainm' chomh maith. Ní nochtófar ainm an nochtóra féin le linn an phróisis ach amháin i gcás go bhfuil sé sin iomlán riachtanach leis an tsaincheist a fhiosrú agus ní dhéanfar é sin gan cead bheith faighte uaidh/uaithi roimh ré. Is feall smachta é ainm an nochtóra a nochtadh gan an cead sin. Dá réir sin, cé go mbreathnóimid tuairiscí gan ainm, níl na socruithe seo oiriúnach le plé le buarthaí a tharraingtear anuas gan ainm.

Mura bhfuil tú cinnte faoi ábhar buartha a tharraint anuas thig leat comhairle neamhspleách a fháil ó Public Concern at Work (www.pcaw.co.uk) i dTuaisceart Éireann nó ón gCoimisiún um Chaighdeán in Oifigí Poiblí

(<http://www.sipo.gov.ie>) sa Phoblacht agus ó do cheardchumann nó grúpa ionadaíochta foirne.

An dóigh le buairt a tharraingt anuas go himmheánach

Cuimhnigh, le do thoil, nach gá duit fianaise dhaingean mhíchleachtais a bheith agat sula dtarraingíonn tú anuas buairt. Mar sin féin iarraidimid ort a mhíniú chomh hiomlán agus is féidir leat an t-eolas nó na tosca as ar éirigh do bhuairt.

Cad is éagóir ábhartha ann

Tá roinnt samplaí thíos de nithe a d'fhéadfaí a áireamh mar éagóir ábhartha

- 1. Má rinneadh coir;**
- 2. Duine gan cloí le hoibleagáid, seachas oibleagáid a bhaineann le Conradh fostaíochta oibrí, nó Conradh eile faoina dtugann oibrí go pearsanta faoi sheirbhís a sholáthar nó obair a dhéanamh;**
- 3. Iomrall ceartais;**
- 4. Contúirt do shábháilteacht nó do shláinte duine;**
- 5. Dochar don chomhshaol;**
- 6. Úsáid mhídhleathach nó mhíchuí airgead comhlachta phoiblí, a acmhainní, nó airgid phoiblí eile;**
- 7. Gníomh nó neamhghníomh de chuid comhlachta phoiblí nó thar a cheann, atá leatromach, an-fhailíoch nó a bheadh le háireamh mar mhíbhainistíocht thromchúiseach; nó**
- 8. Eolas a léiríonn nó a bhféadfaí a thuiscint uaidh go bhfuil ábhar ar bith a bhaineann leis na nithe thuas ceilte nó scriosta, á scriosadh nó á cheileadh nó go bhfuil an chosúlacht ann go scriosfaí nó go gceilfí é.**

Céim a hAon

Má tá buairt agat faoi mhíchleachtas, tá súil againn go mothóidh tú go bhfuil tú in ann í a tharraingt anuas le do bhainisteoir líne nó lena mbainisteoir díreach siúd. Is féidir seo a dhéanamh ó bhéal nó i scríbhinn. Ba chóir deis cuí a

thabhairt do do bhainisteoir líne freagraí a thabhairt duit ar cheisteanna atá ardaithe agat.

Céim a Dó

Má mhothaíonn tú, ar cibé cúis, nach bhfuil sé oiriúnach í a tharraingt anuas le do bhainisteoir líne nó a mbainisteoir díreach siúd, nó nár oibrigh sin, tarraing an t-ábhar anuas le do Chlár bhainisteoir nó le duine dá leanas:

Stiúrthóir Seirbhísí Corparáideacha,

([01]6398400 soheidhin@forasnagaeilge.ie)

Leas-Phríomhfheidhmeannach & Stiúrthóir Seirbhísí Oideachais,

([028] 90890970 enichorrain@forasnagaeilge.ie)

Stiúrthóir Seirbhísí Forbartha,

([01]6398400 eohargain@forasnagaeilge.ie)

Stiúrthóir: Foclóireacht, Foilsitheoireacht agus Téarmaíocht

([074] 9560113 jolabhrai@forasnagaeilge.ie)

Má tá tú ag iarraidh an t-ábhar a tharraingt anuas faoi rún, abair sin le do thoil ag an tús ionas gur féidir socruithe cuí a dhéanamh. *Tá freagracht ar leith agus oiliúint tugtha do na daoine seo maidir le plé le buarthaí sceithreachta.* Ar mhaithe na simplíochta agus na soiléireachta, is é an Stiúrthóir Seirbhísí Corparáideacha thuasluaite an duine a bhfuil an príomhfhreagracht air plé le nochtadh eolais san eagraíocht.

Céim a Trí

Má leanadh na cainéil seo agus má chreideann tú go bhfuil riosca leanúnach ann, nó más dóigh leat go bhfuil an t-ábhar chomh dáiríre sin nach dtig leat é a phlé le duine ar bith de na daoine thuasluaite, thig leat é a tharraingt anuas go díreach le:

Príomhfheidhmeannach, S. Ó Coinn,

([01] 6398400 socoinn@forasnagaeilge.ie)

nó

Cathaoirleach, Pol Ó Gallchóir

(comhalta1@gmail.com)

nó

Cathaoirleach an Choiste Iniúchta (comhalta12@gmail.com)

Féach chomh maith an mhír faoi **Nochtuithe Seachtracha** thíos.

An dóigh láimhseálfaimid an t-ábhar

I ndiaidh duit insint dúinn faoi do bhuairt, fiosróidh Foras na Gaeilge í lena mheas ar dtús cén gníomh is gá a dhéanamh. D'fhéadfadh sé go mbeadh athbhreithniú neamhfhoirmiúil, fiosrúchán inmheánach nó fiosrúchán níos foirmiúla i gceist leis seo. Sa chás go socraítear go bhfuil fiosrúchán foirmiúil riachtanach beidh freagracht fhoriomlán as an bhfiosrúchán ar an Phríomhfheidhmeannach, Cathaoirleach nó Ball ainmnithe an Bhoird. Cuirfear oifigigh shinsearacha sna Ranna Urraíochta ar an eolas a luaithe is atá fiosrúchán foirmiúil ar bun. I gcás ar bith, inseoimid duit cé atá ag plé leis an ábhar, cad é mar is féidir leat teagmháil a dhéanamh leis nó léi, na hamscálaí a bhaineann leis an gcur chuige agus cé acu arbh fhéidir tuilleadh cabhrach uait a bheith de dhíth. Má iarrann tú é, scríobhfaimid chugat ag achoimriú do bhuartha agus ag leagan amach cad é mar is rún dúinn plé léi.

Nuair a tharraingíonn tú an bhuairt anuas d'fhéadfadh sé go n-iarrfar ort cad é mar is dóigh leat is fearr a réiteofaí an t-ábhar. Má tá aon leas pearsanta agat san ábhar, iarraidimid ort a insint dúinn ag an tús. Más oiriúnaí do do bhuairt a bheith faoi nós imeachta casaoide go ginearálta inseoimid duit.

Tabharfaidh Foras na Gaeilge an oiread aischothú duit agus is féidir go cuí, agus, má lorgáítear é, deimhneoidimid é i scríbhinn. Ach d'fhéadfadh sé nach mbeimid in ann a insint duit go díreach cén gníomh a dhéanaimid sa chás go gcuirfeadh seo isteach ar dhualgas rúndachta atá orainn i leith duine éigin eile.

Comhairle neamhspleách

Mura bhfuil tú cinnte cé acu an dtarraingeoidh tú buairt anuas nó cad é mar a dhéanfaidh tú é nó an bhfuil tú ag iarraidh comhairle faoi rún ag céim ar bith, féadfaidh tú, ar ndóigh, teagmháil a dhéanamh le do cheardchumann. Sa chás go mbaineann d'fhiosrú leis an deisceart féadfaidh tú chomh maith teagmháil a dhéanamh leis an gCoimisiún um Chaighdeáin in Oifigí Poiblí (01) 639 5666 nó trí ríomhphost ag sipo@sipo.gov.ie nó dul chuig a suíomh gréasáin ar son eolais ag www.sipo.gov.ie. Má bhaineann d'fhiosrú leis an tuaisceart, tá an charthanacht neamhspleách, Public Concern at Work, ar (020) 7404 6609 nó ar ríomhphost ag helpline@pcaw.co.uk. Is féidir lena ndlíodóirí labhairt leat maidir le do roghanna agus cuidiú leat buaireamh a tharraingt anuas faoi mhíchleachtas ag an obair. Le haghaidh tuilleadh eolais, féadfaidh tú dul chuig a suíomh gréasáin ag www.pcaw.co.uk.

Nochtuithe seachtracha

Cé go bhfuil súil ag Foras na Gaeilge go bhfuil an dearbhú tugtha duit againn atá uait le do bhuaireamh a tharraingt anuas go himmheánach linn, aithnímid go bhféadfadh tosca a bheith ann go bhféadfaidh tú buairt a thuirisciú go cuí do pháirtí seachtrach. Go deimhin, tá sé tábhachtach dúinn nach gcoinnítear calaois ina rún agus b'fhearr linn tú ábhar a tharraingt anuas leis an rialaitheoir cuí – na Ranna Urraíochta, an tArd-Reachtair Cuntas agus Ciste nó Oifig Iniúcháireachta Thuaisceart Éireann, mar shampla – seachas gan é a dhéanamh ar chor ar bith. Beidh an Coimisiún um Chaighdeáin in Oifigí Poiblí nó *Public Concern at Work* agus/nó do cheardchumann in ann comhairle a thabhairt duit ar rogha mar sin agus ar na tosca ina bhféadfá teagmháil a dhéanamh le heagras seachtrach go sábháilte. I gcásanna eisceachtúla d'fhéadfadh sé teacht i gceist go mbeadh nochtadh seachtrach cuí faoin reachtaíocht sa dá dhlínse agus tá na cúinsí sin leagtha amach sna sleachta seo thíos:

<http://www.legislation.gov.uk/nisi/1998/1763/article/3/made> (ó Thuaidh)

<http://www.irishstatutebook.ie/2014/en/act/pub/0014/sec0005.html#part2> (ó

Dheas)

Conclúid

Cé nach féidir le Foras na Gaeilge urrús a thabhairt go dtabharfaimid freagairt ar gach ábhar sa dóigh a bhféadfá á iarraidh, tá muid ag dréim leis an ábhar a láimhseáil go cothrom agus go cuí. Ach na socruithe sceithreachta seo a úsáid cuideoidh tú linn seo a bhaint amach.

Tabhair do d'aire, le do thoil, go bhfuil an doiciméad seo forbartha leis an gcleachtas is fearr a chomhlíonadh sa dá dhlínse ina bhfuil Foras na Gaeilge ag feidhmiú agus cloí leis an reachtaíocht ábhartha, ó Thuaidh agus ó Dheas, arb í faoi seach The Public Interest Disclosure (NI) Order 1998 (PIDO), a chuireann cosaint fostaíochta ar fáil don sceithreacht agus an Protected Discosure Act 2014 (PD) ó dheas agus Alt 5 den Acht um Chaighdeáin in Oifigí oiblí, 2001, a chuireann cosaint chomhchosúil ar fáil.

Le haghaidh tuilleadh eolais ar an dlí, féach:

PIDO: [<http://www.opsi.gov.uk/si/si1998/19981763.htm>]

DP: [<http://www.irishstatutebook.ie/2014/en/act/pub/0014/>]

SIPO: [<http://www.irishstatutebook.ie/2001/en/act/pub/0031/index.htm>]

Déanfar athbhreithniú bliantúil ar an pholasaí seo. **Tarlóidh an chéad athbhreithniú Iúil 2021**

Dáta faofa an leagain seo: 30 Márta 2020